


Johann Cothmann

**Prorector Academiae Rostochiensis Johannes Cothman S.S. Theologiae
Licentiatus & Professor. Ad exsequias Quae ... matronae Christinae Sassen a
Genero Moestissimo Parantur. Omnes inclytae huius Academiae cives ... invitat**

Rostochi[ij]: Pedanus, 1631


<http://purl.uni-rostock.de/rosdok/ppn775780456>


Druck Freier  Zugang



Cothman, J.,
in
Chr. Sass,
uxor. H. Schilling.
Rost. 1631.

28.





PRORECTOR
Academiae Rostochiensis
JOHANNES COTHMAN
S. S. Theologiae Licentiatus &
Professor.

Ad exsequias

Quae

Honoratissima ac lectissima matrona

CHRISTINA
SAGGEN

a

GENERO MOESTISSIMO
PARANTUR.

Omnes inclytæ hujus Academiae ci-
ves officiosè ad med. primæ invitati



ROSTOCHI

Typis JOACHIMI PEDANI Acad. Typ.
ANNO M, DC, XXXI

2
PRORECTOR
Universitatis Rostochiensis
JOHANNES COTHMAN, S.S.
Theologiae Licentiatus & Professor.



Cicero sui temporis molestias paulò altius expendens in epistolis ad Atticum scriptis inquit: sed prorsus vitæ tædet, ita sunt omnia miseriarum plenissima. Item: Ego vivo miserimus & maximo dolore conficior, non faciam ut enumerem omnes miserias, hoc confirmo, neminem unquam tanta calamitate esse affectum, nemini mortem magis optandam fuisse. Mi Cicero si nostra tempora videre contigisset, num aliter sensisses? Nam & præsens seculum afflictionum feracissimum, ita comparatum est ut verba tua ad Octavium scripta illi imprimis quadrent: in capitolio, inquis, signa sunt in urbe milites vagantur, in campo castra ponuntur Italia tota legionibus ad nostram libertatem conscriptis ad servitutem adductis, equitatuque exterarum nationum detinetur. Num ergo & nobis similem fortunam expertis mors

3

mors optanda est: si votis res gereretur, multi
hodie hoc uterentur remedio, sed non licet
cunctis tam esse beatis. Ferendum igitur æquo
animo, quod fors feret; optimum enim, dicen-
te Seneca, est pati quod emendare non possis.
Nam nescit præsens, quid ferat hora sequens.
Quos autē divina bonitas ex hac ærumnarum
valle seculo hoc infelici & perplexo quo sævit
toto Mars impij orbe, liberat: ô illi felices ni-
miū, ô terq; quaterq; beati. In pace enim sunt, &
mala quæ nos quotidie premunt, illorum oculi
non vident, nec aures eorum feriunt, cum fru-
antur illâ felicitate, quam oculus non vidit, nec
auris audivit. Gaudij hujus nunquam desituri
compos facta est piè defuncta matrona *Christi-
na Sassen*. Nata verò illa fuit seculi superioris
anno 61. ipsa exaltationis crucis die, parentib9
præclaris & ex præcipuis civitatis hujus fami-
lijs, oriundis, patre scil. *Ioachimo Sassen* urbis
hujus cive quondam primario; Matre *Wipke
Soldewans* ex per vetusta huj9 gentis prosapia
originem trahente; Avum enim paternum ha-
buit virum autoritate & prudentia conspicu-
um Dn. *Petrum Sassium* Reipubl. hujus sena-
rem optimum. Avum autem maternum Dn.
Heinricum Bolduan Reipubl. hujus consulem

A 2

amplif-

4.
amplissimum; Aviam verò *Wibeken* *Bartho-*
holdes. Avia verò maternæ progenies ex anti-
qua *Bolduanorum* familia ortum duxit, quæ per
plura secula viros anthonitate graves, & expe-
rientia multa conspicuos ac dignitate senatoria
insignes, produxit. progenitoribus hisce
primarijs profeminata piè defuncta nostra
Christina Sassen à parentibus suis Charissimis
Christo, per Sacramentum initiationis oblata
est, quem etiam hoc medio verâ fide induit,
quotquot enim baptizati sumus. Christum in-
duimus. Cum autem à teneris assuescere mul-
tum sit; quo enim est imbuta recens servabit
odorem testa diu, ideo parentes pijsimi à pri-
mis statim annis ad pietatem omnium virtu-
tum matrem, & rei œconomicæ curam, sexum
fœmineum adamantis instar ac smaragdi con-
decorantem, assuefecerunt. Nec piè defuncta
nostra matrona parentum expectationem fe-
fellit; tantos enim in studio cùm pietatis tum
domestico fecit progressus, & indolem suam,
industriamq; laudandam ita omnib9 probavit,
ut annum agens 21. à viro verè integerrimo &
bono Dn. *Hermanno Schillingio*, postmodum
consule Republicæ hujus meritisimo in ma-
trimonium fuerit desiderata, cui Anno 1682.

28. Au-

28. Augusti selemni & consueto ritu in facie
Ecclesiæ desponsata fuit. Quod matrimonium
quem admodum felicissimum ac pacatum fu-
it, ita non planè sterile aut infæcundum extitit,
siquidem ex lectissima hac conjuge par libero-
rum carissimorum, *Annam & Ioachimum Schil-
lingios* suscepit, quorum illa viro consultissimo
& clarissimo Dn. *Iohanni Sibrando* J. U. D. exi-
mio, & per 27. annos Academiæ hujus professo-
ri dignissimo, nunc vero urbis hujus Syndico
vigilantissimo Anno 1599. 10. Decembr. in ma-
trimonium relocata fuit, & quidem sydere fæli-
cissimo, quod conjugij huius fructus satis a-
bundè comprobat. Nam defuncta hæc nostra
matrona duodecim nepotes ac neptes, tres
scil. filios *Henricum* J. V. D. clarissimum, ac
virtutum paternarum æmulum, & *Herman-
num & Iohannem* Sibrandios super genua sua,
ut scriptura de avis loqui consuevit, educatos
vidit: Et novem filias *Christinam* primam, *Do-
rotbeam* quæ post annos pubertatis viro consul-
tissimo Dn. *Iohanni Deyen* J. U. D. celeberrimo,
ac practico eximio connubio juncta fuit stabili,
quam individuum tamen vitæ societatem mor-
tis truculentia diremit, cum uterq; ex hoc mor-
talitatis diverforio, ad exoptatam immortalita-

A 3.


rem

rem discesserit *Annam* priorem *Iustinam*, *Annam* secundam, *Christinam* secundam *Sophiam* & *Mariam*, Sibrandianas sæpiuscule avia hæc in amoris testificationem ulnis suis complexa & exosculata est, quem amorem, reciprocatione venerationis & observantiæ, quod summo opere laudandum, neptes hæ compensarunt. unde piè defuncta nostra matrona extremum vitæ diem præ foribus esse persentiscens, memor istius Salomonis: benedictio matris ædificat, benedictione identidem repetita generis, nepotibus ac pronepotibus benedixit, eosq; omnes & singulos pijs precibus ac votis Deo commendavit. Contigit præterea piè defunctæ nostræ matronæ, singulari Dei indultu & hæc felicitas, ut filiū *Ioachimum Schillingium* viduæ honoratissimæ ac lectissimæ *Agnisæ Tanden* viri amplissimi & prudentissimi Dn. *Marci Tanden* consulis Reipubl. huj9 senioris & de civitate hac præclarè meriti & adhuc merentis filiæ matrimoniali fædere jūctū cerneret, ex quo duos nepotes immatura morte præreptos luxit, ac paulo post desideratissimi filij insperatum obitum acerbis lacrymis sæpius profecuta est. Experta igitur matrona nostra illud Christianorum *γλυκύπικρον*. Quemadmodum enim numero nepotum ac nepotum haut dubiè exhilaratam credimus, ita cha-

7
rissimi filij, filia, ac nepotum fato immaturo
cōtristatam non negam⁹. Unde factū quod mœ-
rore affecta ex obitu cū desideratissimi con-
jugis Dn. *Hermannii Schillingij* consulis dum vi-
vebat amplissimi, tum charissimorum libero-
rum nepotum ac neptum discessu & quod non
negligendum seculi hujus infelicissimi curis,
injurijs, violentijs, & rapinis ita confecta, ut
tandem dierum satur identidem cum Apostolo
dissolvi & cum Christo redemptore vivere
summo desiderio expetiverit. Cujus voti com-
pos facta; postquam enim ante sex circiter heb-
domadas scorbuto alijsq; hunc in sequentibus
symptomatis infestata, decumbere cæpit, primo
omnium animæ medicinam quærens S. Syna-
xeos emplastrum porrigi sibi petijt, Morbo ve-
ro ingravescente, juxta Syracidis monitum me-
dici corporis operam non contempsit. Cum au-
tem non sit in medico semper releverit ut æ-
ger, ideo, licet studium Medici fuerit adhibi-
tum, plus tamen valuit malum arte docta, unde
4. hujus circa horam undecimam meridianam
retinens fidem ac bonam conscientiam, ex pe-
riculosissima vitæ hujus navigatione, in cæle-
stis vitæ exoptatissimum portum appellens,
genero amanti simo nepote & nepte lectissimis
multisq; alijs adstantibus, placidè in Domino
obdor-

8
obdormivit. Fient autem honoratissimæ huic
matronæ justæ exequialia ad hor. m. i. itaq;
omnes & singulos Academiæ cives peramanter
rogo & hortor, ut honorem & amorem, quem
partim debent, p. m. consuli amplissimo Dn.
Hermanno Schillingio partim verò viro claris-
simo & consultissimo Dn. D. *Jobanni Sibrando*
optimè antehac de Academia nostra merito &
hodie merenti, frequentia sua contestentur.
Convenite itaq; cives Academici dicta hora in
templo Nicolaitano & calamitosissimum, ca-
lamitosissimi hujus seculi statum, & deploran-
dam conditionem, non lacrymis, id enim do-
loris vehementia non admittit, sed profundis
suspirijs prosequendam, devotis precibus Deo
omnipotenti cuncta mutare valenti commen-
date. P. P, Sub sigillo Academiæ 7. Novemb.
Anno M. DC. XXXI.







28. Augusti solemnī & consueto rī
Ecclesiā desponsata fuit. Quod mat
quem admodum felicissimum ac pa
it, ita non planē sterile aut infācund
siquidem ex lectissima hac conjuge
rum carissimorum, *Annam & Ioach
lingios* suscepit, quorum illa viro co
& clarissimo Dn. *Iohanni Sibrando*
mio, & per 27. annos Academiæ huj
ri dignissimo, nunc vero urbis huj
vigilantissimo Anno 1599. 10. Dece
trimonium elocata fuit, & quidem
cissimo, quod conjugij huius fruct
bundē comprobat. Nam defuncta
matrona duodecim nepotes ac n
scil. filios *Henricum* J. V. D. clari
virtutum paternarum æmulum,
num & Iohannem Sibrandios super
ut scriptura de avis loqui consuevi
vidit: Et novem filias *Christinam* p
rotbeam quæ post annos pubertatis
tissimo Dn. *Iohanni Dehen* J. U. D. c
ac practico eximio connubio junctā
quam individuum tamen vitæ soci
tis truculentia diremit, cum uterq
talitatis diversorio, ad exoptatam i

A 3.

